



REPUBLIKA E KOSOVËS
REPUBLIC OF KOSOVO
REPUBLIKA KOSOVA



KOMUNA E PEJËS / MUNICIPALITY OF PEJA / OPŠTINA PEĆ

KUVENDI I KOMUNËS SË PEJES

I.Numër:01/016/01/124288, datë:28. Dhjetor 2022.

Në bazë të nenit 11 dhe nenit 12. 2.pika d) të Ligjit Nr.03/L – 040 Për Vetëqeverisjen Lokale të Republikës së Kosovës (“Gazeta zyrtare e Republikës së Kosovës, Nr.28.datë: 04.qershor 2008”), nenit 20 paragrafi 1 pika 1.4. të Statutit të Komunës së Pejës, I.Numër:01-016/01-413431, dt.30 Shtator 2020, në Rekomandim të Komitetit për Politikë e Financa, Kuvendi Komunal Pejë, në takimin e mbajtur me datë: 28. Dhjetor 2022, merr:

V E N D I M

Nr. 78/2022

MBI MIRATIMIN E PLANIT TE PUNES SE KKSBS-Së PER VITIN 2023

1. MIRATOHET Plani i Punës së Këshillit Komunal për Siguri ne Bashkësi (KKSBS) Pejë, për vitin 2023 në tekst siç u është propozuar anetarve te Kuvendit me material per takim.
2. Pjesë përbërëse e këtij vendimi është Plani i Punës së KKSBS-së për vitin 2023.
3. Për Zbatimin e këtij Vendimi do të kujdeset kryetari i Komunës.
4. Ky vendim hynë në fuqi 7 (shtatë) ditë pas publikimit në Ueb Faqen zyrtare të Komunës.

Vendimi ti dërgohet:

1x1 Kryetarit të Komunës,
1x1 Kryesuesit të Kuvendit,
1x1 Anëtareve të KKSBS-së,
1x1 Arkivë.



**KRYESUESI I KUVENDIT,
Z. Rexhep Kurtbogaj**

KËSHILLI KOMUNAL PËR SIGURI NË BASHKËSI - KKSBB

**Plani i Punës për vitin
2023**



**Komuna e Pejës
Municipality of Peja
Opština Peć**

Hyrje

Këshilli Komunal për Siguri në Bashkësi (KKSBB) funksionon duke u bazuar në Udhëzimin Administrativ Nr.27/2012 MPB – 03/2012 MAPL për Këshillat Komunale për Siguri në Bashkësi.

Plani Vjetor i Punës së KKSBB-së, përcakton objektivat dhe aktivitetet të cilat do të ushtrohen nga anëtarët e KKSBB-së në përmbushje të qëllimit të funksionimit të këtij mekanizmi. Ky plan synon që të identifikojë qëllimet, aktivitetet dhe rezultatet, përkatësisht caktimin e përgjegjësisë për kryerjen e detyrave të përcaktuara me udhëzimin administrative për KKSBB-në.

Roli i KKSBB-së në komunën tonë është i rëndësishëm sepse grumbullon shqetësimet e qytetarëve nëpërmjet përfaqësuesve të bashkësive etnike, fetare, sociale, profesionale dhe ato shqyrtohen bashkë me përfaqësuesit institucional të komunës dhe të organeve të sigurisë dhe tentohet të zgjidhen në dobi të qytetarëve.

KKSBB në Pejë drejtohet nga kryetari i komunës së Pejës z.Gazmend Muhaxheri në bashkëpunim të ngushtë me komandantin e policisë së Pejës z.Ndue Nikolla dhe në bashkëveprim të vazhdueshëm me përfaqësues të bashkësive etnike si ajo serbe, boshnjake, rome dhe egjiptiane, përfaqësuesit e bashkësive fetare si ajo myslimane, katolike, ortodokse dhe protestante, përfaqësues të organizatave jo qeveritare, të biznesit dhe ekipe për siguri publike në bashkësi, nën monitorim autoriteteve nacionale siq është Departamenti i Sigurisë Publike dhe autoriteti i inspektoratit të policisë si dhe të organizatave të ndërkombëtare si OSBE, KFOR dhe UN.

Nëpërmjet KKSBB-së arrihet të kuptohen shqetësimet e të gjithë qytetarëve në komunën e Pejës dhe të ndërmerren hapa konkret për zgjidhjen e atyre problemeve. Duke qenë të bindur në rolin e rëndësishëm që ka KKSBB, komuna e Pejës është në maksimum e përkushtuar që plani i punës së KKSBB-së të zbatohet me përpikëri.

Çdo komunë është e obliguar të themelojë Këshillin Komunal për Siguri në Bashkësi. KKSBB themelohet me vendim të kuvendit të komunës dhe kryesohet nga Kryetari i Komunës. Mandati i KKSBB-së është 4 vite dhe korrespondon me periudhën e mandatit të Kuvendit të Komunës. Në mënyrë që me sukses të kryej misionin e vetë, duke u bazuar në udhëzimin administrativ Nr.27/2012 MPB – 03/2012 MAPL, KKSBB duhet të përpilojë dhe ta miratojë planin e punës për vitin vijues. Pas miratimit të planit të punës nga vetë KKSBB, plani prezantohet dhe shqyrtohet edhe në kuvendin e komunës përkatëse.

Qëllimi i planit të punës

Këshilli Komunal për Siguri në Bashkësi nuk do të kufizohet vetëm në detyrat e përcaktuara me këtë plan, por do të jetë aktiv edhe në përcjelljen e zhvillimeve të përditshme shoqërore, për t'i identifikuar dhe adresuar problemet e qytetarëve nga fusha e sigurisë së përgjithshme dhe trajtimin e kërkesave të tyre të kësaj natyre

Plani i punës i KKSBS-së ka për qëllim përmirësimin e sigurisë së qytetarëve duke u kujdesur për problematika të cilat e prekin drejtpërdrejtë jetën e tyre. Plani i punës ofron qartësi në veprim, definon problematikat dhe afatet që do të trajtohen gjatë vitit, paraqet rezultatet e pritura, tregon se kush janë autoritetet përgjegjëse për të marrë masa në zgjidhjen e problemeve.

Objektivat

Duke u bazuar në udhëzimin administrativ Nr.27/2012 MPB – 03/2012 MAPL KKSBS duhet të mbaj së paku 6 mbledhje gjatë vitit. Në këto mbledhje shqyrtohen problem të cilat synojnë përmirësimin e sigurisë së qytetarëve. Duke u bazuar në këto udhëzime, KKSBS në Pejë për vitin 2022, përveç mbajtjes së 6 mbledhjeve të obligueshme, synon që të shqyrtojë këto çështje të sigurisë:

Aktivitetet

Për t' arritur këto objektiva, Anëtarët e KKSBS do të ndërmarrin këto aktivitete:

1. Do të monitorojnë në vazhdimësi gjendjen e sigurisë në të gjithë territorin e komunës;
2. Do të mbledhin shënime, fakte dhe do të raportojnë në mbledhjet e KKSBS-së për secilin problem të vëzhguar, dëgjuar apo supozuar;
3. Do të mbajnë takime me qytetarë, këshilla shkollore, grupe qytetarësh, organizata joqeveritare (OJQ) dhe do të dëgjojnë problemet e tyre;
4. Do të adresojnë problemet në organet kompetente, si dhe krijimin e partneritetit dhe iniciativave të përbashkëta për zgjidhjen e problemeve të sigurisë në çdo bashkësi;
5. Do të mbajnë evidenca për problemet e shqyrtuara dhe për progresin e arritur në zgjidhjen e problemit;

Rezultatet e pritura

Duke vepruar siç është cekur më sipër dhe duke u përqendruar në objektivat e shënuara më sipër situata do të ndryshojë në të mirë të qytetarëve. Për qytetarët do të sigurohet më shumë siguri në të gjitha fushat.

➤ DRAFT-PLANI I PUNËS SE KKSb-së PËR VITIN 2023

Në formë tabelare paraqitet si:

Kategorizimi	Nr.	Temat për shqyrtim	Bartësit	Periodha e raportimit
Shëndetësia	1	Paraqitja e gjendjes aktuale në komunë. Raport për gjendjen e sigurisë në Pejë. Gjendja aktuale me pandeminë, COVID-19 në Komunën e Pejës.	Kryetari i Komunës, Komandanti i Stacionit të Policisë në Pejë, Drejtori Shëndetësisë, IKSHP – Pejë.	Shkurt
	2	Raporti mbi përmasat zhvilluese të pandemisë COVID-19 për periudhën 2021-2022.	Të ftohen në raport udhëheqësit e institucioneve shëndetësore dhe nga spitali i Pejës;	Shkurt
	3	Paraqitja e gjendjes aktuale në komunë. Raport për gjendjen e sigurisë në Pejë. Kodi i Etikës, personeli mjekësor - sjellja e mjekëve dhe asistentëve nëpër institucione dhe ordianca mjekësore; Gjendja me barna dhe material esenciale në QKMF, QMF, AMF.	Kryetari i Komunës, Komandanti i Stacionit të Policisë në Pejë, Drejtori i Shëndetësisë në komunën e Pejës; Drejtori i Spitalit – Pejë.	Prill
Arsimi	4	Paraqitja e gjendjes aktuale në komunë. Raport për gjendjen e sigurisë në Pejë. Arsimi, gjendja në shkolla dhe situata e zhvillimit të procesit arsimor.	Kryetari i Komunës, Komandanti i Stacionit të Policisë në Pejë, Të raportohet nga DKA	Shkurt Prill Qershor Shtator
	5	Mirëmbajtja e shkollave siguria në dhe për rreth objekteve shkollore; Delikuenca e nxënësve, mbarëvajtja e procesit arsimor nga ana e mësimitdhënësve	Të raportohet nga DKA, këshilli i prindërve, psikologët e shkollave;	Shkurt Prill Qershor Shtator Nëntor Dhjetor
	6	Gjendja e shkollave sipas rezultateve të testit të arritshmërisë për klasat e 9-ta dhe Maturës Shtetërore	Të raportohet nga DKA;	Qershor
Ambienti	7	Paraqitja e gjendjes aktuale në komunë. Raport për gjendjen e sigurisë në Pejë. Shitja dhe blerja e ushqimit të përditshëm, prodhim i pakontrolluar, datat e skaduara të prodhimeve. Mbrojtja e lumenjve që rrjedhin në komunën e Pejës, deponitë ilegale, mbeturinat.	Kryetari i Komunës, Komandanti i Stacionit të Policisë në Pejë Të ftohen në bashkëbisedim nga zyret përgjegjëse: Inspektorati, Drejtorja e Shërbimeve Publike dhe e Urbanizmit, policia dhe këshillat lokale;	Qershor Nëntor

	8	Prerja ilegale e pyjeve. Gjuetia e paligjshme. Peshkimi i paligjshëm.	Drejtori për Bujqësi, Pylltari dhe Hidroekonomi në Komunën e Pejës, Agjencioni pyjor; OJQ për çështje mjedisore;	Qershor
Mjedisi Urban	9	Paraqitja e gjendjes aktuale në komunë. Raport për gjendjen e sigurisë në Pejë. Fatkeqësitë natyrore, vërshimet, erërat e forta, bllokimi i kanaleve; Gjelbërimi.	Kryetari i Komunës, Komandanti i Stacionit të Policisë në Pejë Kompania Rajonale për Mirëmbajtjen e Kanaleve, Drejtorja për Bujqësi, Pylltari dhe Hidroekonomi, Drejtorja e Emergjencave.	Qershor Nëntor
Siguria	10	Paraqitja e gjendjes aktuale në komunë. Raport për gjendjen e sigurisë në Pejë. Siguria në trafik. Sinjalizimi. Parkingjet - parkimi i paligjshëm i automjeteve, pengesë për lëvizjen e lirë të qytetarëve . Sanimi i rrugëve - probleme me infrastrukturën rrugore në disa pjesë (dëmtime, gropa në rrugët e qytetit dhe fshatrave) si dhe Ndriçimi publik - probleme me mosfunksionimin e një numri të caktuar të kamerave të qytetit	Kryetari i Komunës, Komandanti i Stacionit të Policisë në Pejë Drejtorja për Punë Komunale dhe Shërbime Publike.	Prill Shtator
	11	Siguria dhe kontrolli i produkteve ushqimore.	Të ftohen në bashkëbisedim nga Drejtorja e Inspeksionit dhe AVUK;	Shtator
	12	Dëmtimi i shtëpive, vjedhja e gjëseneve, siguria në komunën e Pejës. Qentë endacak.	Të ftohet në bashkëbisedim përfaqësuesit e institucioneve komunale si dhe autoritetit nacional; Agjencioni i Veterinarisë;	Shtator
Të Drejtat e Njeriut	13	Paraqitja e gjendjes aktuale në komunë. Raport për gjendjen e sigurisë në Pejë. Riintegrimi i personave të riatdhesuar.	Kryetari i Komunës, Komandanti i Stacionit të Policisë në Pejë Të ftohet në bashkëbisedim IOM dhe organizatat tjera që e trajtojnë këtë çështje;	Dhjetor
	14	Paraqitja e gjendjes aktuale në komunë. Raport për gjendjen e sigurisë në Pejë. Mbrojtja e qytetarëve në nevojë për shërbime sociale dhe familjare si dhe mbrojtja dhe ofrimi i shërbimeve për viktimat e dhunës në familje deri në riintegrim të viktimës. Mbrojtja e personave të cilët privohen nga të drejtat themelore; Lëmsh-kërkuesit;	Kryetari i Komunës, Komandanti i Stacionit të Policisë në Pejë Të ftohen në bashkëbisedim institucionet, Drejtorja e Mirëqenies Sociale; si dhe OJQ - të që merren me çështje të dhunës në familje;	Nëntor Dhjetor

Afati kohor

Plani i punës Janar deri më Dhjetor 2023.

Përmbledhje

Në këtë plan të punës janë paraqitur informacione për KKSBB-në, aktet që e rregullojnë veprimtarinë e saj. Po ashtu është paraqitur qëllimi i planit të punës, objektivat e planit, aktivitetet që do të ndërmerren nga anëtarët e KKSBB-së për t'i arritur objektivat si dhe janë paraqitur rezultatet e pritura dhe afatet kohore.